

# **ЗОМИН ТАРИХИДА БУЮК ИПАК ЙЎЛИНИНГ ТУТГАН ЎРНИ**

*Mусурмонов Толиб Равшан ўғли*

*Жиззах давлат педагогика институти*

*Тарих ифакултети I-босқич магистранти.*

*Илмий раҳбар: доц. Н.Ҳ.Пардаев*

**Аннотация.** Ушбу мақолада Зомин тарихидаги муҳим рўл ўйнаган буюк ипак йўли ҳамда унинг тутган ўрни ҳақида ёзилган.

**Калим сўзлар:** Ипак, Зомин, Ҳитой, Равот, Каравон, Эфталилар.

**Аннотация.** В этой статье описывается великий Шелковый путь, сыгравший важную роль в истории Заамина, и его место.

**Ключевые слова:** Шелк, Заамин, Китай, Равот, Караван, эфталиты.

**Annotation.** This article describes the great Silk Road that played an important role in the history of Zaamin and its place.

**Key words:** Silk, Zaamin, China, Ravot, Caravan, Hephthalites.

Зомин тарихи Ўрта Осиёning бошқа кўплаб қадимий шаҳарлари каби савдо-сотиқ, шаҳар ва қишлоқлар, дехқонлар ва чорвадорлар орасидаги ички ҳамда халқаро маҳсулотлар алмашинувидан тортиб, йирик транзит алоқалар билан чамбарчас боғлиқ бўлган.

Ўзаро товар алмашинув ва савдо-сотиқ шаҳарлар тизими-ning шаклланиши, тараққий этиши, турли мамлакатлар билан ўзаро боғланиш ривожида катта роль ўйнади. Халқаро савдо йўллари кўринмас, аммо мустаҳкам ришталар билан кўплаб мамлакатларни Япония ва Хитойдан тортиб, Ўрта Ер денгизигача, Рус ва Олтин Ўрдадан то Хинд уммонию Шимолий Африкага қадар ўлкаларни боғлаган эди.

Шарқда хам, Оврупада хам савдогарлар аҳолининг энг та-

шаббускор, жасур, эпчил, ишбилармон ва зиёли тоифаларидан бири ҳисобланган. Улар қийинчиликлардан қўрқмайдиган, ҳар қандай муҳит ва сиёсий вазиятга осон мослаша биладиган тадбиркор инсонлар эди. Уларнинг хизматидан сиёсий арбоблар ва руҳонийлар тез-тез фойдаланиб туришган. Зеро, савдогарлар маълум маънода дипломат хам бўлганлар, тез-тез тинчликпарварлик тадбирларида қатнашганлар, аҳоли билан мулоқотда бўлишган ва ўз шаҳарларининг гуллаб-яшнашида фидойилик кўрсатганлар.

Бу карvon йўлларидан ноёб товар-моллари билан бутун жаҳонга ўз шаҳарларини кўз-кўз қилган савдогарлар ўтишар эди. Шу билан бирга, улар бу ерлардан йирик шаҳарларда моҳирона ишланган сифатсиз соҳта маҳсулотларнинг оммавий равища тарқалишига тўсқинлик қилишарди. Яна бу йўллардан жаҳонгир қўшинлар ҳам, тинч аҳоли ҳам ҳаракатланар эди: меъморий кўринишини ва, хатто, номини йўқотган шаҳарлар, асосан аҳоли учун янги турар жойлар қуришни истаган, кейинчалик «Навкент» - Янгикфгон, Янгиқишлоқ... номли шаҳар ва қишлоқларга асос солган ҳунармандлар ҳам бор эди.

Бир сўз билан айтганда, савдо йўллари маҳсулотлар айирбошлишда, илмий ва техник ютуқлар алмашинуvida, маданият ҳамда диннинг Евроосиё сарҳадларида тарқалишида мисли кўрилмаган даражада хизмат қилган.

Даставвал қадимда ноёб ва маҳсус товарлар, асл металл ва зебзийнатлар ортилган карвонлар ўтадиган бир қанча турғун йўллар ажратиб олинди. Олимлар савдо алоқалари тизимиға қараб, уларнинг турли йўналишлар бўйича тарқалишини аниқладилар. Масалан, «ложувард йўли» [Сарианиди, 1986], «нефрит йўли», «сувсар йўли», «олтин йўли» ва ҳ-к.

Ўрта Осиё хақидаги илмий адабиётларда асосий ургу тарихнинг илк даврларида чекка ҳудудларга берилган ва барча дастлабки йўллар жануб мамлакатлари орқали Афғонистон, Хиндистон ва Эронга ўттани эътироф

этілган. Бирок тадқиқотлар шуни күрсатдикі, Ўрта Осиёнинг жанубий худудлари аллақачонлар цивилизация шаклланган шаҳар музофотлари таркибига кирган. Милоддан аввалги I минг йиллик ўрталарида Сўғдиёна (у пайтларда Уструшона Сўғдиёна таркибида эди), Хоразм ва Бақтриядан аҳамонийлар империясига олтин, қимматбаҳо тошлар, қурилиш ашёлари ва туз етказиб берилган [Дандамаев, Луконин, 1980, 20-6].

Шунингдек, шимолий кўчманчи чорвадор қабилаларда хам Сибирдан тортиб то Кора денгизга қадар олди-берди қилиш имконияти бўлган. Тадқиқотлар илк савдо йўллари аҳамонийлар империясининг ғаллага бой Бақтрия шахридан ўтганини ва у, ўз навбатида, Сўғд ва Уструшона билан чамбарчас боғланганини кўрсатди. Ўрта Осиёни забт этиш даврида Сўғд қўзғолонини бостиришга мажбур бўлган македониялик Александр машҳур йўлбошчиларига таяниб, илк савдо йўлларидан фойдаланган ҳолда Александрия Эсхата, яъни Чекка Александрия (Хўжанд тумани)дан қисқа йўл орқали Сўғдга ўтган. А.Грицина томонидан ўрганилган ўша давр ёдгорликлари муаллифга Зомин ва Ховос туманлари чегарасидаги йўл ҳудуди, аввал бошда хозирги Зомин-Сават йўллардан анчайин шимолга қараб чўзилгани, у юнонларга карши қўзғолонда иштирок этган уструшоналикларнинг македонияликлар томонидан тор-мор этилган тураг жой манзиллари орқали ўтгани хақида хulosса қилиш имконини берди [Грицина, 1990, с. 18-22]. Кейинги йўл эса, бир оз жанубга қараб чўзилган бўлиб, у шимолий Туркистон тизмаси ёқалаб, Яксарт (Сирдарё) водийсини боғлайдиган ғоятда кулай йўл эди.

Археологлар томонидан Зоминдан шарқда жойлашган Гончи шахрида мил. авв. V-IV асрларга мансуб қишлоқлар қолдиқлари ва сопол идишлар бўлаклари, шимоли-шарқда эса мил. авв. IV—III асрларга тегишли огуллар топилгани бежизга эмас, албатта. Мил. авв. III—II асрлардаги суғд атворига мос эллин сопол буюмлари, аллақачон Зоминнинг илк қатламларида топилган эди. Олимларнинг фикрича, айнан уша пайтларда айрим хусусий савдо йўллари ўрнига Хитойдан Оврупа шаҳарларига қадар улкан

трансқитъалараро йўл тушган. Ана шу йўл орқали Шарқ мамлакатларидан Гарбга қараб қордек оппоқ чиннилар, кумуш, олтин, гиламлар, нафис матолар, қурол-яроғ, совутлар, турли хил тақинчоқдар ва бошқа ноёб буюмлар ортилган карвонлар ўтган.

Нозик, шаффоф, ғоятда мустаҳкам ва ёрқин рангларга бўялган ипак Шарқнинг машхур ва доимий транзит савдо маҳсулотларидан бирига айланади. Ипак, айникса, ёлланма аскарлар билан накд пул ўрнида ҳисобкитоб қилишда хизмат қилган, у яна императорлар, мансабдорлар, зодагон аёллар ва суюқоёқ хотинларга совға тариқасида ҳам берилган, баъзи мамлакатларда ипак энг дабдабали ва маданий кийимлардан ҳисобланган. Ундаги латиф ва жонли буёқлар, нақшлар Шарқда Коинот рамзини ифодалаган. Ипакни узук орасидан ўтказиб, унинг сифатини аниқлашган. Ипак орқали пўлат шамширнинг кескирлиги ҳам текширилган, тиф ҳавога итқитилган ипак дуррани бир неча бўлакка бўлиб ташлаши лозим эди. Гарб бозорларида тарозининг бир палласига ипак, иккинчи палласига эса олтин ёки кумуш қўйилган.

Ипак, нафакат Рим ва Византияда, балки Хитой империясида ҳам ғоятда қадрланган ва шухрат қозонган. Уни Эрон сосоний шаҳаншохлари, турк ҳоқонлари, Суғд, Уструшона, Чоч ва Тоҳаристон аслзодалари ҳам хуш кўрганлар.

Ана шу сабаб, XIX асрда Фридрих фон Рихтгофендан тортиб барча шарқшунос-тадқиқотчилар мазкур йўлларни ягона атама билан Буюк Ипак йўли, деб номлаганлар.

Ипак етиштириш ва унинг савдоси ҳакидаги ривоятлар оғиздан-оғизга ўтиб юрган. Ривоятларга қараганда, Хитой императорлари тут ипак қурти пилласидан тайёрланадиган ипакни ишлаб чиқариш технологиясини қаттиқ сир тутишган. Буюк Хитой девори чегарасидан ташқарига ипак қуртини олиб чиқиб кетишга уринган ҳар кандай одам қатл этилган.

Лекин шунга қарамай, ипак тайёрлаш сирини фош қилишга бўлган қизиқиши кундан-кунга ортиб борар эди. Ровийларнинг сўзларига қараганда,

уддабурон будда роҳиблари пиллани бамбукдан тайёрланган маҳсус, ғовак асо ичига жойлашган ва Осмоности империяси сарҳадларида кезиниб юрган бир талай сайёҳатчи карвонлар орасида ғойиб бўлишган.

Яна бошқа бир ривоятда нақл килинишича, қўчманчилар сардорига турмушга чиққан хитойлик малика бегона юртда нафис матодан мосуво бўлишдан қўрқиб, ипак пилласини ўзининг дабдабали соч турмаги орасига жойлаб, Хитойдан олиб чиқиб кетган. Бироқ хозирги кундаги илм-фан ривоят ихлосмандларининг ҳафсаласини пир қилишга мажбур. Кадимги римликлар, аллақачонлар Хитойнинг ипак тайёrlаш усулидан боҳабар бўлганлар, яна улар баъзида ипакни «дараҳтдаги ўргимчак толаси», деб ҳам аташган. Ипак илк ўрта асрларда империянинг энг ғарбий чегаралари ва Шарқий Туркистонда тайёrlанган. Савдо-сотиқ гуллаган даврларда уни Эрон сосонийлари ва Ўрта Осиёning йирик марказлари ўзлаштириб оладилар. Ундан ташқари, ипакка босилган сұғд ва сосоний нақшлари шунчалик шуҳрат қозонадики, ҳатто Осмоности империяси ҳудудларига қадар тарқалади. Ипак тайёrlашда моҳир ҳунарманд-косиблар сосоний ва сұғд усталарига тақлид қила бошлайдилар.

Буюк Ипак йўли турли мамлакатлар халқларини иқтисодий жиҳатдан боғловчи, турли хўжалик шакллари ва узоқ муддатли хизмати билан бошқа савдо йўлларидан яққол ажралиб турган.

Манбаларда ёзилишича, милоддан аввалги III асрлардаёқ Хитойнинг ғарбдаги қўшнилар билан алоқаларни кучайтириш, мустаҳкамлашга уринишлари кузатилган. Ши-цзи хитой солномасида Хитой жун қўчманчи қабилалари ва «ерларида зиёратчилар хитой матолари, кузгу ва бамбук маҳсулотларини учратган» Бақтрия [Бичурин, М-Л., 1950, с. 153] билан савдо-сотик ишлари, айниқса, қўшнилар билан ипакни ғаллага айирбошлангани хақида ёзилган [Восточный Туркестан..., 1988, с. 353-356]. Лекин Ипак йўлининг расмий чизмалари бевосита Хан давлати ҳукуматининг сиёсати билан боғлик бўлган. Бу пайтда Хитой чегараларида қўчманчи халклар ўртасида ўзаро низолар авж олади. Ана шу курашларда

хун қабилаларининг қўли баланд келади. Милоддан аввалги II асрларда юэчжиларга ўлпон тўловчи хунлар қўшни кўчманчи юэчжиларни тор-мор келтиради, шундан сўнг юэчжилар хунлардан қочиб Ўрта Осиёга ёпирилиб кириб кела бошлайди. Уларнинг бир қисми Чоч, Уструшона ва Суғдга ўтган бўлса, қолган қисми жанубга қараб йўл олади ва мил. авв. 110 йилга келиб, эллин давлати саналмиш Юнон-Бақтрияни ер билан яксон килади.

Хунларнинг куч-кудратидан қаттиқ ташвишга тушган Хитой императори мил.авв. 138 йилда иттифоқчи топиш мақсадида дипломатик топшириқ билан ўз амалдорларидан бири Чжан Цянни юэчжилар олдига жўнатади. Афсуски, элчи хунларга асир тушади, уларга хизмат қилади, уша ерда уйланади ва фақат ўн йил ўтиб, унга нисбатан назорат сусайгани хамон Фарғонага қочади. Элчи у ердан Кангюйга юборилади ва шундан кейингина юэчжилар томонга ўтиб олади. Шу тариқа топшириқ 12 йил давом этади. Лекин юэчжилар хунларга қарши курашишдан қатъий бош тортадилар. Бир йил бесамар ўтказилган музокаралардан кейин Чжан Цян бошқа йўл орқали Хитойга қайтишга аҳд қилади, бироқ У яна хунларга асир тушади ва фақат бир йилдан сўнг, мамлакатдаги ғалаёнлар сабаб қочишга муваффак бўлади. Гарчи унга иттифоқчиларга эга бўлиш насиб этмаган бўлса-да, топшириқ ғоятда муваффақиятли яқунлангани тан олинади. Бу элчилик сафари натижасида расмий Хитой учун савдо муносабатларида нихоятда муҳим бўлган, гуллаб-яшнаётган «Гарбий ўлка»лар кашф этилади.

Мил. авв. 119 йилда император Уди Ўрта Осиё мамлакатлари билан савдо-сотиқ алоқаларини йўлга қўйиш мақсадида яна Чжан Цян бошчилигидаги элчилардан иборат гуруҳни ўша ўлкаларга жўнатади. Чжан Цян учун қўчманчилари худудига ўтади ва у ердан элчиларни бошқа ўлкаларга юборади. Шундан сўнг, турли мамлакатлардан Хитойга элчилар оқиб кела бошлайди, бунда Лиган (хитойликлар Римни шундай аташган) юртларига қадар мунтазам равишда карvonлар қатнови йўлга қўйилади. Албатта, мазкур йўл ягона эмасди, зеро карvonлар ўз савдо қизиқишлирага мос йўлдан юрарди: кимдир марказдан марказга, кимдир маҳсус товарлар

харид қилиш учун, кимдир сиёсий мақсадларда дипломат әлчилар гурухини кузатиб борар эди. Сиёсий бекарорлик ва жуғрофий шарт-шароитларнинг тез-тез ўзгариши сабаб, йўллар турғун эмасди. Масалан, Самарқанддан Насафга қараб иккита йўл бўлган: бири мавсумий, қисқа, аммо машаққатли, иккинчиси эса, анчайин узун, лекин бехавотир ва барқарор.

Шаҳарлар орасида жойлашган йўлларда карвонлар ўтадиган муқим марказлар бўлган. Уларнинг орасида Суғд пойтахтидан Хитойга қараб тўрт кунлик йўл бўлган Зомин ҳам бор. У Уструшонада ҳам ички, ҳам халқаро савдо алоқаларида мудом марказ вазифасини ўтаган. У ерда хориж савдогарларининг карвонлари тўхтаб ўтган ҳамда турли йўналишларга қараб йўл олган, буюм-товарлар қайта тақсимланган.

Юқорида айтиб ўтилганидек, ушбу йўллар қадим даврларда, Хан давлати пайтларидаёқ мавжуд бўлган. Бу йўллар қадим хитой манбаларида ҳам қайд этилган. Унда асосий йўл Хитойдан Нию орқали Хотан Еркент, Балх томонга, «Иоша-шуй (Яксарт - Сирдарё)» дарёси бўйлаб чўзилган шимолий йўл эса Довон (Фарғона)дан Кангюй, у ердан Сирдарё ва Амударёнинг қўйи қисмида жойлашган Янцзи ва Янцай томон чўзилган. Эҳтимол, ана шу пайтда македониялик Александрга кўрсатилган Довондан Хўжанд, Ховос орқали Зоминга ўтадиган йўл шакллана бошлаган, айнан ўша ердан мил. авв. биринчи асрларга тааллуқли ашёлар топилмаган. Тадқиқотчиларнинг таъкидлашларича, мил. авв. II асрнинг охирига келиб, Уструшона, Хўжанд ва Фарғонанинг қадимий йўллари занжир халқаси каби Буюк Ипак йўлининг ажралмас таркибий қисмига айланди [160, 119-6].

Милоднинг биринчи минг йиллигига ёқ Буюк Ипак йўли серқатнов йўл бўлган. Биринчи минг йилликнинг ярмига келиб сұғдлар, бухороликлар, уструшоналиклар ва чочликлар мазкур йўлдан шарқقا қараб, Шарқий Туркистонга қадар аста-секинлик билан харакатлана бошлайдилар (бу пайтга келиб, йирик сұғд қароргоҳлари Хитой империяси чегарасигача етган эди) [112, 8-13-6]. Лекин уларнинг йўлига ғов бўлиб, шимолда кўчманчилар, жанубда эса Эрон турарди. Қуруқлиқда Ғарб билан савдо қилувчи асосий

йўллар Эронга қарашли эди. АММО V, айниқса, VI асрларга келиб вазият буткул ўзгаради. Ўрта Осиёга қўчманчилар қабиласи - эфталийлар бостириб киради. Эрон сосонийлари билан баъзи бир ерларини қайтариб олиш мақсадида олиб борилган кураш, ўз навбатида, Фарғона ва Уструшона орқали савдо йўлларини янада жонлантириб юборди. Эфталийлар давлатида таназзулга юз тутган антик (қадимги) империянинг майда ер-мулк эгалари эркинликка эга бўлишади. Уларнинг ичидаги қатор майда ер мулкларини ўз ичига олган Уструшона хам бор эди. Хитойликлар уни Шарқий Цао, деб аташарди. Унга Зарафшоннинг юқори оқимидағи тоғли ҳудудлар, гарчи ўз хукмдори орқали алоҳида бошкарилсада Буттам, Туркистон тизмасининг шимолий тармоқлари, ғарбдаги бепоён Катван чўлидан тоғолди ҳудудларгача, у ёғи шарқдан Сирдарё бўйларигача бўлган ҳудудлар киради.

VI асрнинг иккинчи ярмига келиб, вазият кескин ўзгаради. Бир неча кунлик шиддатли жанглардан кейин, «Шохнома» асарининг муаллифи таъсирчан ифодалаганидек, мухорабаларда тўкилган қондан «Гулизарриюн қирмизи рангга кирди» (асарда Сирдарё назарда тутилган - Ю.Б.). Хокимиятга улкан кўчманчилар қабиласи келди. Эфталитларни тор-мор қилган турклар Буюк Ипак йўлининг катта қисмини қўлга киритди. Улар мухораба пайтида қўлга киритилган ўлжалардан ташқари, Хитойдан улпон сифатида катта миқдорда турли қимматбаҳо буюмлар, энг асосийси, ипак олишади. Туркларда ипакни Ғарбга, биринчи ўринда Византияга сотиш иштиёқи кучли эди.

567 йилда турк ҳоқони Истами Ғарб билан савдо-сотиқни йўлга қўйиш максадида, суғд савдогари Маниах бошчилигидаги элчиларни икки марта сосонийлар шохи Хусрав I олдига жўнатади. Уша пайтда Ғарбга элтўвчи йўлларнинг бир қисми шоҳга қарашли

эди. Лекин барчаси бесамар кетди. Хусрав I элчиларни хушламайгина қабул қилди ва турклар билан ҳамкорлик қилишни рад этди. Элчилар томонидан совға тариқасида олиб келинганд ипак Эрон пойтахти майдонида намойишкорона тарзда ёкиб юборилди. Бунинг ажабланарли жойи йўқ эди. Биринчидан, савдо-сотиқнинг асосий йўллари қўлида бўлган эронликлар уни бой беришни истамас эдилар. Иккинчидан, бу пайтда сосонийлар давлати ўзига чегарарадош бўлган, кун сайин қудрати ошиб бораётган Византия билан яхши муносабатда эмасди. Эрон чегарасида мамлакатга хавф солиб турган Византия ёлланма армиясига маош, асосан ипак савдосидан келадиган даромаддан тўланар эди. Харбий аъёнлар эса, маошнинг бир қисмини ипак билан олишарди.

Рад жавобини олган турклар Эрон билан жангга тайёргарлик кўра бошлайди. Шу билан бир пайтда, Маннах бошлигига бир гурух элчилар шимол томондан сосонийлар империяси чегараларини айланиб ўтиб, Византияга қараб йўл олишади. Элчилар гурухи Хоразм орқали Каспий денгизидан шимолга, Кавказ орқали юришади [Дьячков-Тарасов, 1930]. Хоқоннинг совғалари қимматбаҳо ипак матолардан иборат эди. Савдо-сотик шунингдек, харбий ҳамкорликка қизикиш билдирган император Юстин II жавоб тариқасида лашкарбоши Земарх бошлигига элчиларни жўнатади, улар босиб ўтган йўл 568 йилда юон тарихчиси Менандр томонидан қаламга олинган. Алалоқибат, харбий-савдо иттифоки тузилади, тарихчиларнинг ёзишича, византиялик савдогар ва зодагонлар Эронни четлаб ўтиб, турклар орқали қимматбаҳо Хитой товарларига эга чиқиш мақсадида, улар билан бевосита алоқа боғлашга уринишади [Пигулевская, Якубовский, 1958, 65-6]. Лекин, аллақачонлар йўлларни ўз қўлида ушлаб турган хоқонлик таркибидаги суғдлар хам савдо-сотиқдан фоятда манфаатдор эдилар. Ундан ташқари, ипак суғд

хунармандчилиги марказларида ҳам тайёrlана бошланганди.

Энг қизиғи, хоқоннинг Византия элчиларига қуйған шартида темир сотиб олиш таклифи хам бўлган. Уша даврларда Уструшона Ўрта Осиёдаги темир ишлаб чикариш марказларидан бири эди. Маълумки, икки томонда хам бир қатор савдо элчилари гурухи бўлган. Ўрта Осиё шаҳарларида ўтказилган археологик қазилма ишларида Византия буюмлари, кумуш идишлар ва олтин тангалар учраган. Ўрта осиёлик савдогарлар фақатгина ўлкалараро савдосотик билан шуғулланишмаган. Хитой солномаларида ёзилишича, улар Хитойга олтин, кумуш, мис, жез, хушбуй суюқликлар, доривор ўтлар, новшадил, суғд ипаги, турли хил мато ва бошка кўплаб товарлар олиб боришган.

Ўрта Осиёдаги Буюк Ипак йўлининг энг асосий йўналишларидаги йўллардан бири Суғдга Уструшонадан Чоч ёки Хужанд орқали ўтган. Унинг энг фаол тармоғи Самаркандан тоғлар оралаб, пастқам адирлар орқали Зоминга, у ердан текислик буйлаб Сирдарёга қараб чўзилган.

Асосий савдо ва дипломатик йўллар, уларнинг тармоқлари, шоҳобчалари йўналишларини ўрганиш ва аниқлаш бевосита IX-X асрларда араб тилида ижод қилган географлар меҳнати билан боғлик. Лекин уларнинг таҳлиллари шуни кўрсатадики, илк географлар - Кудама ибн Жаъфар, ал-Яъкубий ва Ибн Хурдодбех ўз изланишларида араб давридан аввалги географ сайёхларнинг расмий хужжатларидан фойдаланишган.

Кудама ибн Жаъфар аслзода бўлиб, Барсадан эди. Халифа саройидаги почта бошлиғи лавозими унга хужжатлар билан ишлаш имконини беради. Адабиётга бўлган мухаббат эса, унинг бир қатор асарлар ёзишига туртки бўлади. Унинг «Котиб маҳорати ва харажат ҳақида китоб» номли асаридан бир қисмигина сақланиб қолган, холос. Асарда почта маршрутлари (йўллари), вилоятлар тавсифи, уларнинг ер тузилмаси, йўллар, манзилгоҳлар, масофа ва ободончиликка оид қизикарли бўлим бор [Крачковский, 1957, 160-

162-6).

Кудама Мовароуннахрга таъриф берганда Самарқанддан Зомингача бўлган йўлни келтириб ўтади. Пойтахтдан шарққа қараб тўрт фарсаҳлик (бир фарсаҳ - 7-8 км.га тенг - Ю.Б.) йўлда Суғд тумани маркази Бузмажон, Баркат шахарчаси жойлашган. Кейин Уструшонага қарашли асосий йўллар бошланган. Тоғлар орасида жойлашган Хушуфагн («эзгу ибодатхонали шахарча») шахарчасига Баркатдан Катван дашти ва адирлари орқали тушган йўл билан борилган. У номаълум муқаддас ибодатхона номи билан аталган. Бизнинг тахминимизча, у Санзор дарёсининг ўнг кирғоғидаги тоғлар оралиғида, хозирги Авлиё қишлоғи худудида жойлашган бўлиши керак. Мазкур худуднинг чекка қишлоғида олиб борилган тадқикотлар вақтида тепаликда ўрта асрларга мансуб қишлоқ хамда унинг теварак-атроғидаги муқаддас булоққа дуч келинган. Хозирги Авлиё қишлоғи масжидининг қадимий қисми катта қизиқиш уйғотди. Ундаги тоштепали ғорда, Мухаммад пайғамбар (с.а.в.) сафдошларидан бирининг ғайридинлар билан бўлган жангларда кесилган бир бармоғи кўмилгани боис муқаддас саналиб, бу ерга масjid қурилган экан. Масжиднинг ёнида чогроққина қадимий қабристон бор. Мазкур саждагоҳ, бу ерни исломдан аввалги давр билан боғлаб туради. Қишлоқ худудида ўрта асрлардан олдин ва ўрта асрлардаги кулоллик буюмлари, турли тангалар хам учраган. Буларнинг барчаси қадимий Хушуфагн муқаддас Авлиё масжиди худудида жойлашганлигини тахмин қилишга имкон беради. Манбалар-га кўра, айнан шу ердан тоғ бўйлаб ўтган беш фарсаҳ йул Бурнамад қишлоғига олиб келган. Хозирги кунда бу ерда Равот қишлоғи жойлашган. Таърифга кўра, мазкур жой «орқа томони тоғларга, юзи эса текисликка кқараган» Бурнамад қишлоғига тўғри келмокда. Қишлоқнинг жануби-ғарбий томонидаги тоғ ёнбағрида ҳарбий иншоотларга эга анчайин катта шаҳар ҳам бўлган. Бироқ қазилма ишлари шуни кўрсатдики шаҳар, асосан мўғуллардан кейин, темурийлар давридан олдин мавжуд бўлгани боис, у ёш саналиб, Кудама давридаги Бурнамад эмас-лигини кўрсатди. Хозирда қишлоқ ичкарисида атрофи мудофаа деворлари

билан ўралган бир қишлоқ макони мавжуд бўлиб, у хали тадқиқ этилмаган. Шунингдек, илк ўрта асрларга мансуб харобалар Равотнинг шимоли-шаркий худудида хам учрайди. Шу сабаб, Бурнамад билан боғлик изланишлар шу ердан давом эттирилиши лозим..

Ўрта осиёлик археологларнинг изланишлари, Уструшона хакикатдан ҳам калья ва қўргонлар мамлакати бўлганлигини кўрсатди. Унинг асосий иктисадий хаёти Уратепа-Зомин текислиги билан чамбарчас боғлик эди. У хатто Зарафшон дарёсининг юқори қисми учун иктисадий-маданий марказга ҳам айланади [Негматов, 1953, 237-6.]. Таъкидлаш лозимки, айнан уша пайтда Минқда темир рудасини қазиб олиш ҳамда ишлов бериш пунктлари иш бошлайди ва бу шубҳасиз. Уструшонани кейинги юз йилликларга машхур килади<sup>3</sup>.

Туркистон тоғ тизмасидаги конлардан Хитойга жунатиладиган ноёб маҳсулот новшадил олинарди. Буттамнинг тоғли худудлари ҳам ўзининг полиметалл конлари билан машхур эди. Бу ерга савдогарлар турли хил товарлари билан ташриф буюришар, олиб-сотарлар эса хом ашё, чорвачилик маҳсулотларини харид килиш учун келишарди.

Савдо-сотиқнинг энг гуллаган даври ривожланган ўрта асрларда содир бўлган. IX-X асрларда Шарқ араб-форс жуғрофий адабиётларида савдо йўллари ва шаҳарлар тавсифи анчайин кенг ёритилган.

Амударёдан Шарққа қараб чўзилган барча Ўрта Осиё ерларини Мовароуннаҳр, деб атаган араблар, ушбу гуллаб-яшнаётган ўлканинг йирик шахарлари, ривожланган хунармандчилиги, бозорлари ва мўл-кўл товарларини кўкларга кўтариб тасвирлашган. Шунингдек, бу ердаги меҳмондўстлик, ахолининг бадавлатлиги, хилма-хил озиқ-овқат маҳсулотлари ҳам бу мақтоллардан четда қолмаган.

Тадқиқотчиларнинг таъкидлашларича, бу пайтда Шарқда бадавлат савдогар ислом маданияти тарғиботчиси саналган, мусулмон савдо-сотиги эса, ўз уйида бека эди. У жаҳон бозорида етакчи ўринни эгаллай билди [Москамыко, 1978, 365-6], дунёning тўрт томонига карвону кемалар қатнай

бошлади.

Шу ўринда, X аср манбаларида келтирилган Уструшонанинг савдо йўллари ва шаҳарларига кенгрок тўхталсак. Турли даврлардаги манбаларнинг таҳлилий таққоси савдо алоқаларида шаҳарлар ролининг ўзгариши ва йўллар силжиши суръатини очиб бериши мумкин.

<sup>1</sup> Қаранг: мазкур монографияда А. М. Сверчков томонидан ёзилган бўлим.

### **Адабиётлар рўйхати**

- 1.Қадимий Зомин А.А.Грицина ва бошқалар Тошкент Муҳаррир нашриёти 2018-224 б.
- 2.Уструшонанинг илк ўрта аср қишлоқ маконлари монография М.Ҳ.Пардаев, Ж.И.Фофуров Тошкент;Ilmiy texnika axboroti-PRESS NASHRIYOTI,2016-348 Internet saytlari
- 3.[www.ziyonet.uz](http://www.ziyonet.uz)
- 4.[www.kun.uz](http://www.kun.uz)